

MOKGWA WA HO KOPA MAEMO A HAO A BOIKOBELO BA TEFO YA LEKGETHO

O ka kopa Maemo a Boikobelo ba Tefo ya Lekgetho (TCS) bakeng sa ho itseng (mohlala: Thenda):

- ka inthanete ho [eFiling](#); kapa
- ka ho etela [lekala la SARS](#).

Mokgwa wa ho kopa Maemo a hao a Boikobelo ba Tefo ya Lekgetho ka eFiling

Hang ha o se o bohile "My Compliance Profile" ya hao, o ka kopa Maemo a Boikobelo ba Tefo ya Lekgetho ka:

- Ho kgetha kopo ya Maemo a Boikobelo ba Tefo ya Lekgetho le mofuta wa TCS eo o batlang ho etsa kopo ya yona. O tla ba le boikgethelo bo latelang:
 - Ho ba dibukeng tse ntle
 - Thenda
 - [FIA](#) – Foreign Investment Allowance (Ditumello tsa Matsete a Matjhabeng) (tsa batho ka bomong ba bona feela)
 - Tsa bofalli (tsa batho ka bomong ba bona feela)
- Tlatsa kopo ya Maemo a Boikobelo ba Tefo ya Lekgetho mme o e nyehela ho SARS.

Keletso ya Bohlokwa: O tlameha hore o hokele ditokomane tsa tshehetso bakeng sa [dikopo tsa FIA](#) le [Bofalli](#), ha o batla lesedi le leng le mabapi le ditokomane tse ding tsa tshehetso tse hlokehang.

Balefalekgetho ba seng ba falletse mme ba batla ho etsa phetiso ya 'Emigrant's Remaining Assets' (eo pejana e neng e tsejwa e le 'Blocked Funds') ba lokela ho kopa TCS ya FIA ka [eFiling](#) kapa [lekaleng la SARS](#). Ha o etsa kopo ya TCS e mabapi le FIA, o lokela ho fetolela 'Source of capital to be invested' ho 'Emigrant's Remaining Assets'. Ho fumana lesedi le leng, boha [motjha wa phetiso ya Thepa e Setseng ya Mofalli \(Blocked Funds\)](#).

Hang ha kopo ya hao e tijaetswe monwana ke SARS, o tla fuwa maemo a kakaretso a boikobelo ba tefo ya lekgetho mmoho le PHINI. O ka kopa ho romellwa PHINI ena ka SMS mme o ka e boha deshbotong ya "Tax Compliance Status Request" profaeleng ya hao ya eFiling. PHINI ena e ka nna ya printuwa e le lengolo la dipheo tsa TCS.

Keletso ya Bohlokwa: Ho tla ntshuwa PHINI ka nngwe e ikgethang bakeng la kopo ka nngwe eo o e etsang.

Kopo ya Maemo a Boikobelo ba Tefo ya Lekgetho lekaleng la SARS

Ha o kopa Maemo a hao a Boikobelo ba Tefo ya Lekgetho [lekaleng la SARS](#) mme seo se be se tijaelwa monwana, Maemo a hao a Boikobelo ba Tefo ya Lekgetho a tla kenyelletsa PHINI e ka romellwang ho wena ka SMS nomorong ya selfounu e ngodisitsweng direktotong tsa SARS kapa o tla e romelwa ka imeile.

PHINI ya Maemo a Boikobelo ba Tefo ya Lekgetho

PHINI e o neha tsela ya ho fana ka tumello ya hore mokgwa wa boraro o bohe Maemo a hao a Boikobelo ba Tefo ya Lekgetho inthaneteng ka eFiling.

Hang ha o se o fane ka PHINI ya hao mokgeng wa boraro, PHINI eo e tla kgontsha mokgatlo o amehang kapa lefapha la mmuso ho boha maemo a hao a jwale a boikobelo ba tefo ya lekgetho inthaneteng. E tla ba neha setshwantsho sa hao ka kakaretso sa boikobelo ba tefo ya lekgetho sa letsatsi leo le nako eo papisong le sa ka nako e fetileng ha o ne o fuwa PHINI. Ho sireletsa sephiri sa lesedi la molefalekgetho, ha ho lesedi le leng ntle le lena le tlang ho fumaneha.

O hloka thuso?

Ho fumana lesedi le fetang lena sheba ["Guide to the Tax Compliance Status Functionality on eFiling"](#).

Kapa letsetsa SARS Contact Centre ho 0800 00 SARS (7277) kapa etela [lekala la hao le haufi la SARS](#).